



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera B. ca. XXXVIII.

urn:nbn:de:hbz:466:1-38372

Episcopatus de littera B.

Cap. XXXVIII.

Baiocenses in Normandia, sub Rothomagensi Archiepiscopi.

10 **A**NCTVS VIGOR, Attrebas, Belga, monachus Monasterii S. Vedasti in ciuitate Attrebatensi, Episcopus creatus ad gentium conuersionem, officium sibi impositum strenuè impleuit, & tam uerbo, quam exēplo, multos ab iniquitate, ad uiam ueritatis perduxit. Obiit die Calendarum Nouembris; Floruitq; circa annum Dom. 560. *Tritt. lib. 4. cap. 131. & alij.*

Balnenses, in Italia.

D. TRANSMVNDVS, Oderisij, Marsotum Comitis filius, monachus Monasterii Casinensis, & Abbas primum Tremitensis, deinde S. Clementis; procurante Domno Hildebrando, qui postea Gregorius Papa VII. appellatus est, factus est episcopus Balnensis, circa annum Domini 1066. Vir fuit egregius, prudentia summa, & doctrinæ laude clarus: cuius etiam opera, in maximis & arduis negotijs Desiderius Casinensis Abbas usus est. *Leo Ostiens. lib. 3. cap. 25. Chron. Casinensis.*

Bambergenes in Germania, sub Moguntino Archiepiscopo.

8 S. OTTO, monachus Monasterii S. Michaelis in monte Monachorum iuxta Bambergam, uir doctus, & zelator animarum præcipuus, Pomeranis euangelium prædicans, eos ad fidem Christi cōuertit, unde & Apostolus Pomeranorum uocatus est. Creatus est anno Domini 1102. & cum oues sibi creditas annis plus minus 37. uerbo, & exemplo pauiser, sanctitate, & gloria miraculorum gloriosus migravit ad Dominum anno 1139. die sexto nonas Iulii. *Trittemius lib. 4. cap. 258. & alij.*

6 D. Hermannus, monachus cœnobij S. Felicitatis in Sunarzach in diocesi Herbipolensi, uir religione præcipuus, episcopus renunciatus, boni pastoris exemplum omnibus exhibere curauit. Floruit anno Domini 1070. *Trittemius lib. 4. cap. 256.*

D. Lambertus, à Buren, monachus Neouitlerensis, & Abbas Gengenbacensis, ex episcopo Argentinensi, creatus est Bambergensis episcopus

T scopus

episcopus à Carolo III. Imp. anno 1375. & præfuit eidem ecclesie annis. 23. usque ad annum Domini 1398. quo mortuus est. *Demo-chares, de sacrif. missæ, tomo 2. cap. 35.*

Basileenses, in Heluetia, sub Bisuntino Archiepiscopo.

S. RACHNACARIUS, monachus Luxouienfis, ex episcopo Augustodunensi, ad hanc sedem promotus, sanctitate & miraculis in episcopatu floruit. Vixit anno Domini 660. *Vita S. Eustasij apud Surium tomo 2.*

D. Hatto, monachus & Abbas Monasterii diuitis Augiæ, creatus est episcopus anno Domini 806. Vir fuit doctissimus, & in rebus agendis exercitatissimus; legatione functus est ad Michaellem Imp. Constantinopolitanum, eò à Carolo magno Imper. directus, ibique constitutus, librum, Hodæporicum prænotatû, scripsit. Tandem reuersus, & uitam priuatam adoptans, episcopatu & Abbatiæ celsit, anno Domini 822. regiminis sui 16. & ad Monasterium suum rediit, ubi orationibus & scripturarum lectioni operam dans obiit anno 836. resignationis suæ 14. Scripsit autem ultra opus prænotatum, & Visiones S. Vuettini monachi, prosa. *Hermannus contra-ctus in chronico, tam ueteri, quam recentiori.*

D. HANNO, monachus & Abbas Luneburgensis, episcopus creatus, maxima apud Principes huius sæculi auctoritate fuit, & impri-mis Lothario II. Imperatori carus, cuius legatus fuit in negotio depositionis Domini Rainaldi Celimentani Casinensis Abbatis. Floruit anno Domini 1140. *Chronicon Casinense lib. 4. cap. 120. & 121.*

Bathonienses in Anglia, nunc Vuellenses, sub Cantuariensi Archiepiscopo.

9 D. SIGARUS, Anglus, monachus, & Abbas Reuerèdissimus, Chineualdo Episcopo ad patres adposito, eius loco creatus est anno Domini 985. & moriens anno 997. regiminis sui. 12. locam Aelfuino reliquit. *Matthæus Vuestm. ad annum 985.*

17 D. Sauanaricus, Anglus, monachus & Abbas Glasconiensis, Godfrido in Episcopatu succedit anno Domini 1192. & sequenti, cathedra Glasconiam translata, Glasconiensis Episcopus dici, & uocari uoluit, sed cum eo titulus hic. ad tempus extinctus est. Migravit à sæculo anno Christi 1205. administrationis suæ anno 13. die sexto Idus Augusti. *Chorographia Britannia, fol. 164. & Matthæus ad an. 1192. & 1205.*

23 D. Magister Gulielmus de Marchia, monachus & Scaccarius monasteriensis, Regis que Thesaurarius, Roberto Burnel substitutus

rus anno 1292. aliquot annis laudabiliter præfuit. *Mattheus Vuestmonast. ad an. 1292.*

Bellicenses in Gallia, sub Bisuntino Archiepiscopo.

D. EDOARDVS, Philippi Pedemontium Principis filius, ex Abbate Seculæ, & Episcopo Sedunensi, Bellicensis factus, ad altiora natus Metropolita postmodum Tharentasiensis, & Cardinalis fieri meruit. *Pingonius in Arbore Sabaudica. gradu 22.*

Biterenses, siue Biterenses, in Gallia, sub Narbonensi Archiepiscopo.

D. GVLIELMVS de Estouteuilla, Gallus, Normandus, DD. Doctor, monachus & Prior Monasterii S. Martini de Campis Parisiis, ex episcopo Andegauensi Biterensis Præsul renunciatus, postmodum etiam Rothomagensis Archiepiscopus, & exinde S. R. E. Cardinalis pronunciatu est anno 1439. *Panvinus in epitome Pont. Rom.*

Beluacenses in Gallia, sub Rhemensi Archiepiscopo.

28 S. ADALMANNVS, siue Hildemannus, monachus Corbeiensis Monasterii in Francia, ob morum integritatem, & uitæ sanctitatem, non solum episcopus meruit renunciari, verumetiam a morte catalogo sanctorum adscribi. Floruit anno *Trittemius lib. 4. cap. 227.*

32 D. Odo, monachus & Abbas Corbeia Gallicæ, uir suo tempore facundissimus, cum multis legationibus, tam Ecclesiasticis, quam secularibus, functus fuisset, in quibus magnam gloriam & laudem promeruit: in vtraque uita clarus migravit ad Christum. Floruit anno Domini 870. *Trittemius. lib. 4. cap. 210. Nicolaus Papa 1. epist. 24.*

Bolonienses in Gallia, sub Archiepiscopo Remensi.

D. PHILIPPVS della Camera, Gallus, monachus & Abbas Corbeiensis in Gallia, Ducis Albanie frater, suis meritis ad Episcopatum promotus, iisdem etiam mediantibus puniceum Gærum promeruit, à Paulo Papa III. anno 1542. Obiit Romæ die 9. calend. Martij anno 1550. ibidem ad S. Trinitatem in Pincijs sepultus. *Panvinus in epitome Pont. Rom.*

Bononienses, in flaminia, sub Archiepiscopo Rauennate; nuuc sunt Archiepiscopi.

59 D. BARTHOLOMAEVS Raimondus, ciuis Bononiensis, monachus, & Abbas Monasterii Sancti Felicis, Episcopus Bononiensis in locum Cosmi Meliorati, creatus anno Domini 1392. die 12. calend. Septembris, paulo post ipsis calendis Decembris consecrationis munus accepit: præfuit laudabiliter annis ferè 14. Obiit anno 1406.

T 2 die

die 18. calendas Iulij. *Carolus Sigonius de episcopis Bon. lib. 3.*

61 D. Ioannes, Bononiensis, monachus & Abbas Monasterii S. & Proculi, Antonio Corrario, q̄ Bartholomæo successerat, surrogatus anno Domini 1412. die octavo Idus Nouembris, sexto Idus eiusdem mensis solenniter consecratus est: Adfuit Concilio Constantiensi, anno 1414. & sequenti quorundam æmulatione abdicare coactus, paulo post anno, scilicet 1417. quarto nonas Ianuarij ex vita decessit. *Idem Sigonius lib. 3.*

63 D. Bartholomæus Zambeccarius, Caroli filius, monachus & Abbas Sancti Bartoli Ferrariæ, à populo contra Nicolaum Albergatum in schismate anno 1429. Episcopus electus, episcopalia munia exercuit per annum; sequenti enim renunciare coactus, Abbatiam suam S. Bartoli, tum amissam, Summi Pontificis Romani fauore, à Marchione recepit, in qua postmodum migravit è vita. *Idem Sigonius lib. 4.*

Brandeburgenses in Germania, sub Magdeburgensi Archiepiscopo.

D. LAMPERTVS, monachus & Abbas Ilseburgensis, uir in ecclesiasticis & monasticis disciplinis exercitatissimus, cum officium sibi commissum, & munus episcopale, diligenter impletet, quorundam æmulorum suorum coniuratione è medio sublatus, regnum celeste, ut pie creditur, cum palma martyrii intrare promeruit. *Tritemius lib. 4. cap. 235.*

D. Folchadus, Germanus, monachus, & Præpositus Monasterii Altahensis, uir tanto officio dignus, ob singulares animi dotes creatur episcopus Brandeburgensis, anno Domini circiter 990. uel circa. *Auctor uita S. Gothardi Episcopi cap. 44. tomo 7. Suri 4. Maij.*

Bremenses in Saxonia, sub Magdeburgensi; post Archiepiscopalis sedes.

1 S. VVILLEHADVS, siue Vuilhardus, monachus Monasterii S. Vuli librordi Epternacensis, à Carolo Magno Imperatore anno 788. primus Bremensis Ecclesiæ ordinatus episcopus, in magna sanctitate populum suum rexit annos 2. menses 3. dies 26. Obiit autem senex & plenus dierum in Frisia anno 790. die sexto Idus Nouembris, & Bremam relatus in ecclesia S. Petri sepulturam accepit. *Tritemius lib. 3. cap. 195. & alij permulti.*

Brixienfes in Italia, sub Mediolanensi Archiepiscopo.

23 S. PATERIVS, Romanus, monachus & discipulus S. Gregorij Papæ I. ob singularem eruditionem Brixienfis episcopus creatus, de ta-

de talento sibi credito fructum centesimum reportans, doctrina, & sanctitate clarus, inter album Sanctorum relatus est. Floruit anno 600. Eius festiuitas nono calendas Martii digno honore recolitur.

Ipse de se in prologo excerptionum suarum.

Scriptit S. Gregorio Magistro suo hortante tres libros expositionum ipsius S. Gregorii in obscuriora tam ueteris, quam noui testamenti loca, duos uidelicet de testimoniis ueteris testamenti, & unum de testimoniis noui; hos nuncupauit,

Testimoniorum, lib. 3.

Excusi sunt aliquoties, & nouissimè operibus S. Gregorii, Romæ anno 1590. in folio impressis inserti sunt.

Brixinenses in Bauaria, sub Saltzburgensi Archiepiscopo.

D. LAMPERTVS, à Buren monachus Neouurlerensis, & Abbas Genbaccensis, à Romano Pontifice episcopus ordinatus, anno 1350. uel circiter, in officio fuit usque ad annum 1363. quo anno iussu Urbani Papæ V. hac sede relicta, ad Spirensis cathedram se transtulit.

Demochares de sacrif. missæ, tomo 2. cap. 35.

Burgenses in Hispania, sub Toletano Archiepiscopo: nunc exempti.

D. RAMIRVS, Hispanus, Arago Sanctii Aragoniæ Regis filius, monachus primum S. Pontii de Tomeriis in territorio Narbonensi, deinde SS. Facundi & Primitiui Abbas: postea Burgensis episcopus; mox Pompelonensis. exinde Rotæ & Barbastri; ad extremum fratribus defunctis Aragoniæ Rex & Sacerdos, uti produnt ueteres tabulæ mense Octobri data, ubi se Regem & Sacerdotem nominat, in omni uita sua irreprehensibilem se exhibuit. Vixit in hac dignitate anno 1100. *Ioan. Mariana lib. 10. cap. 2. & 15.*

Episcopatus de littera C.

Cap. XXXIX.

Cesar Augustani in Hispania, nulli subiecti; nunc sunt Archiepiscopi.

S. **I**OANNES, Hispanus, S. Braulii episcopi, & in regimine successoris frater, monachus primum deinde Abbas illius cœnobii in Hispania, quod à S. Aemiliano eius discipulo, hodie, Monasterium S. Aemiliani uocatur, episcopus renunciat, non minus monastici rigoris obseruator fuit, quam episcopalis muneris, & tandem doctrinæ laude, &

T 3 miracu-